

Lajčák oštro osudio napade na slobodu medija

WWW.RC

Visoki predstavnik i specijalni predstavnik EU Miroslav Lajčák danas je oštro osudio svaki napad na slobodu i nezavisnost medija u Bosni i Hercegovini. „Sloboda medija je jedna od ključnih sloboda za svaku državu članicu Evropske unije, i EU sa ogromnom pažnjom gleda upravo na kvalitet i situaciju u oblasti medijskih sloboda u svakoj zemlji koja jednog dana želi da postane članica Evropske unije. Budite sigurni da nijedan napad na slobodu medija neće proći nezapaženo od strane Evropske unije“, izjavio je Lajčák u video poruci objavljenom na Internet stranici www.reci.ba kao odgovor na pitanje o ugrožavanju medijskih sloboda u BiH.

„Ako želimo da izgradimo funkcionalno demokratsko društvo, ne smijemo da tolerišemo napade na nezavisnost medije. Imamo zato institucije od kojih treba da tražimo da rade svoj posao. U našem slučaju to je Regulatorna agencija za komunikacije. Imamo i državne institucije koje trebaju da ispunjavaju svoje obaveze. Političari treba da kažu da je nedopustivo da se tolerišu napadi na medije, jer su oni ti koji stvaraju atmosferu u društvu“, rekao je Lajčák.

On je podsjetio da reforma javnog servisa nije slučajno jedan od uslova za dalji napredak Bosne i Hercegovine u procesu evropskih integracija, istakavši da je nužno stvoriti „jedan funkcionalan, objektivan, nezavisan i demokratski sistem javnog informisanja, koji neće moći biti zloupotrebljen ili korišten za parcijalne stranačke ili bilo kakve druge ciljeve,

i koji će omogućiti da su građani objektivno informisani.“

U sklopu kampanje „Reci“, visoki predstavnik i specijalni predstavnik EU na javnim debatama širom zemlje i putem Internet stranice www.reci.ba redovno odgovara na pitanja građana o evropskoj budućnosti Bosne i Hercegovine.